



南齊書卷四十八

梁

蕭

子

顯

撰

列傳第二十九

袁象

孔稚珪

劉繪

袁象字偉才陳郡陽夏人也祖洵吳郡太守父覲武陵太守象少有風氣好屬文及立言舉秀才歷諸王府參軍不就覲臨終與兄顓書曰史公才識可嘉足懋先基矣史公象之小字也服未闋顓在雍州起事見誅宋明帝投顓屍江中不聽斂葬象與舊奴一人微服潛行求屍四十餘日乃得密瘞石頭後崗身自負土懷其父集未嘗離身明帝崩後乃改葬顓從叔司徒粲外舅征西將軍蔡興宗並器之除安成王征虜參軍主簿尚書殿中郎出爲廬陵內史豫州治中太祖太傅相國主簿秘書丞議駁國史檀超以天文志紀緯序位度五行志載當時祥沴二篇所記事用相懸日蝕爲災宜居五行超欲立處士傳象曰夫事關業用方得列其名行今栖遁之士排斥皇王陵轢將相此偏介之行不可長風移俗故遷書未傳班史莫編一介之善無緣頓略宜列其姓業附出他篇遷始興王友固辭太祖使吏部尚書何戢宣旨令就選中書郎兼太子中庶子又以中書兼御史中丞轉黃門郎兼中丞如故坐彈謝超宗簡奏依違免官尋補

安西諮議南平內史除黃門未拜仍轉長史南郡內史行荊州事還爲太子中庶子本州大中正出爲冠軍將軍監吳興郡事彖性剛嘗以微言忤世祖又與王曇不協世祖在便殿用金柄刀子治瓜曇在側曰外間有金刀之言恐不宜用此物世祖愕然窮問所以曇曰袁彖爲臣說之上銜怒良久彖到郡坐過用祿錢免官付東冶世祖遊孫陵望東冶曰中有一好貴囚數日專駕與朝臣幸冶履行庫藏因宴飲賜囚徒酒肉敕見彖與語明日釋之尋白衣行南徐州事司徒諮議衛軍長史遷侍中彖形體充腴有異於衆每從車駕射雉在郊野數人推扶乃能徒步幼而母卒養於伯母王氏事之如親閨門中甚有孝義隆昌元年卒年四十八謚靖子

孔稚珪字德璋會稽山陰人也祖道隆位侍中父靈產泰始中罷晉安太守有隱遁之懷於禹井山立館事道精篤吉日於靜屋四向朝拜涕泗滂沱泉出過錢塘北郭輒於舟中遙拜杜子恭墓自此至都東向坐不敢背側元徽中爲中散太中大夫頗解星文好術數太祖輔政沈攸之起兵靈產密白太祖曰攸之兵衆雖彊以天時冥數而觀無能爲也太祖驗其言擢遷光祿大夫以範盛靈產上靈臺令其占候餉靈產白羽扇素幘凡曰君性好古故遣君古物稚珪少學涉有美譽太守王僧虔見而重之引爲主簿州舉秀才解褐宋安成王車騎法曹行參軍轉尚書殿中郎太祖爲驃騎以稚珪有文翰取爲記室參軍與江

淹對掌辭筆遷正員郎中書郎尚書左丞父憂去官與兄仲智還居父山舍仲智妻李氏驕妬無禮稚珪
白太守王敬則殺之服闋爲司徒從事中郎州治中別駕從事史本郡中正永明七年轉驍騎將軍復領
左丞遷黃門郎左丞如故轉太子中庶子廷尉江左相承用晉世張杜律二十卷世祖留心法令數訊囚
徒詔獄官詳正舊注先是七年尙書刪定郎王植撰定律章表奏之曰臣尋晉律文簡辭約旨通大綱事
之所質取斷難釋張斐杜預同注一章而生殺永殊自晉泰始以來唯斟酌參用是則吏挾威福之勢民
懷不對之怨所以溫舒獻辭於失政絳侯愴慨而興歎皇運革祚道冠前王陛下紹興光開帝業下車之
痛每惻上仁滿堂之悲有矜聖思爰發德音刪正刑律敕臣集定張杜二注謹礪愚蒙盡思詳撰削其煩
害錄其尤衷取張注七百三十一條杜注七百九十一條或二家兩釋於義乃備者又取一百七條其注
相同者取一百三條集爲一書凡一千五百三十二條爲二十卷請付外詳校隨其違謬從之於是公卿
八座參議考正舊注有輕重處竟陵王子良下意多使從輕其中朝議不能斷者制旨平決至九年稚珪
上表曰臣聞匠萬物者以繩墨爲正馭大國者以法理爲本是以古之聖王臨朝思理遠防邪萌深杜姦
漸莫不資法理以成化明刑賞以樹功者也伏惟陛下躋縣登皇乘圖踐帝天地更築日月再張五禮裂
而復縫六樂繼而爰緝乃發德音下明詔降恤刑之文申慎罰之典敕臣與公卿八座共刪注律謹奉聖

旨詒審司徒臣子良稟受成規創立條緒使兼監臣宋躬兼平臣王植等抄撰同異定其去取詳議八座
裁正大司馬臣變其中洪疑大議衆論相背者聖照玄覽斷自天筆始就成立律文二十卷錄敘一卷凡
二十一卷今以奏聞請付外施用宣下四海臣又聞老子仲尼曰古之聽獄者求所以生之今之聽獄者
求所以殺之與其殺不辜寧失有罪是則斷獄之職自古所難矣今律文雖定必須用之用失其平不異
無律律書精細文約例廣疑似相傾故誤相亂一乖其綱枉濫橫起法吏無解旣多謬僻監司不習無以
相斷則法書徒明於帙裏冤魂猶結於獄中今府州郡縣千有餘獄如令一獄歲枉一人則一年之中枉
死千餘矣冤毒之死上千和氣聖明所急不可不防致此之由又非但律吏之咎列邑之宰亦亂其經或
以軍勳餘力或以勞吏暮齒癡情濁氣忍并生靈昏心狠惡吞剝氓物虐理殘其命曲文被其罪冤積之
興復緣斯發獄吏雖良不能爲用使千公哭於邊城孝婦冤於遐外陛下雖欲宥之其已血濺九泉矣尋
古之名流多有法學故釋之定國聲光漢臺元常文惠續映魏閣今之士子莫肯爲業縱有習者世議所
輕良由空慙承歲不逢一朝之賞積學當年終爲閭伍所量將恐此書永墜下走之手矣今若弘其爵賞
開其勸慕課業宣流班習胄子拔其精究使處內局簡其才良以居外仕方岳咸選其能邑長並擢其術
則臯繇之謀指掌可致杜鄭之業鬱焉何遠然後姦邪無所逃其刑惡吏不能藏其詐如身手之相驅若

絃括之相接矣臣以疎短謬司大理陛下發自聖衷憂矜刑網御延奉訓遠照民瘼臣謹仰述天官伏奏
雲陛所奏繆允者宜寫律上國學置律學助教依五經例國子生有欲讀者策試上過高第卽便擢用使
處法職以勸士流詔報從納事竟不施行轉御史中丞遷驃騎長史輔國將軍建武初遷冠軍將軍平西
長史南郡太守稚珪以虜連歲南侵征役不息百姓死傷乃上表曰匈奴爲患自古而然雖三代智勇兩
漢權奇算略之要二塗而已一則鐵馬風馳奮威沙漠二則輕車出使通驛虜庭權而言之優劣可觀今
之議者咸以丈夫之氣恥居物下況我天威盍可先屈吳楚勁猛帶甲百萬截彼鯨鯢何往不碎請和示
弱非國計也臣以爲戎狄獸性本非人倫鴟鳴狼踞不足喜怒蜂目蠶尾何關美惡唯宜勝之以深權制
之以遠竿弘之以大度處之以蝨賊豈足肆天下之忿捐蒼生之命發雷電之怒爭蟲鳥之氣百戰百勝
不足稱雄橫屍千里無益上國而蟻聚蠹攢窮誅不盡馬足毛羣難與競逐漢高橫威海表竄追長圍李
文國富刑清事屈陵辱宣帝撫納安靜朔馬不驚光武卑辭厚禮寒山無靄是兩京四主英濟中區輸寶
貨以結和遣宗女以通好長轡遠馭子孫是賴豈不欲戰惜民命也唯漢武藉五世之資承六合之富驕
心奢志大專匈奴遂連兵積歲轉戰千里長驅瀚海飲馬龍城雖斬獲名王屠走凶羯而漢之器甲亡亡
其九故衛霍出關千隊不反貳師入漢百旅頓降李廣敗於前鋒李陵沒於後陣其餘奔北不可勝數遂

使國儲空懸戶口減半好戰之功其利安在戰不及和相去何若自西朝不綱東晉遷鼎羣胡沸亂羌狄
交橫荆棘攢於陵廟豺虎咆於宮闕山淵反覆黔首塗地逼迫崩騰開闢未有是時得失略不稍陳近至
元嘉多年無事永路不量復挑疆敵遂迺連城覆徙虜馬飲江青徐之際草木爲人耳建元之初胡塵犯
塞永明之始復結通和十餘年間邊候且息陛下張天造庥駕日登皇聲雷厲宙勢壓河岳而封豕殘魂
未屠劍首長蛇餘喘偷窺外甸烽亭不靜五載於斯昔歲蟻壞廩食樊漢今茲蟲毒浸淫未已興師十萬
日費千金五歲之費寧可貲計陛下何惜匹馬之驛百金之賂數行之詔誘此凶頑使河塞息肩關境全
命蓄甲養民以觀彼弊我策若行則爲不世之福若不從命不過如戰失一隊耳或云遣使不受則爲辱
命夫以天下爲量者不計細恥以四海爲任者寧顧小節一城之沒尙不足惜一使不反曾何取慙且我
以權取貴得我略行何嫌其恥所謂尺蠖之屈以求伸也臣不言遣使必得和自有可和之理猶如欲戰
不必勝而有可勝之機耳今宜早發大軍廣張兵勢徵犀甲於岷峨命樓船於浦海使自青徂豫候騎星
羅汾江入漢雲陣萬里據險要以奪其魂斷糧道以折其膽多設疑兵使精銷而計亂固列金湯使神茹
而慮屈然後發衷詔馳輕驛辯辭重幣陳列吉凶北虜頑而愛奇貪而好貨畏我之威喜我之賂畏威喜
賂願和必矣陛下用臣之啟行臣之計何憂玉門之下而無款塞之胡哉彼之言戰旣慙勸臣之言和亦

懷關伏願察兩塗之利害檢二事之多少聖照玄省灼然可斷所表謬奏希下之朝省使同博議臣謬荷殊恩奉佐侯岳敢肆瞽直伏奏千里帝不納徵侍中不行留本任稚珪風韻清疎好文詠飲酒七八斗與外兄張融情趣相得又與琅邪王思遠廬江何點點弟胤並款交不樂世務居宅盛營山水憑几獨酌傍無雜事門庭之內草萊不剪中有蛙鳴或問之曰欲爲陳蕃乎稚珪笑曰我以此當兩部鼓吹何必期效仲舉永元元年爲都官尙書遷太子詹事加散騎常侍三年稚珪疾東昏屏除以牀輦走因此疾甚遂卒年五十五贈金紫光祿大夫

劉繪字士章彭城人太常俊弟也父勗宋末權貴門多人客使繪與之共語應接流暢勗喜曰汝後若東帶立朝可與賓客言矣解褐著作郎太祖太尉行參軍太祖見而歎曰劉公爲不亡也豫章王嶷爲江州以繪爲左軍主簿隨鎮江陵轉鎮西外兵曹參軍驃騎主簿繪聰警有文義善隸書數被賞召進對華敏僚吏之中見遇莫及琅邪王詡爲功曹以更能自進嶷謂僚佐曰吾雖不能得應嗣陳蕃然閣下自有二驥也復爲司空記室錄事轉太子洗馬大司馬諮議領錄事時豫章王嶷與文惠太子以年秩不同物論謂官府有疑繪苦求外出爲南康相郡事之暇專意講說上左右陳洪請假南還問繪在郡何似旣而聞之曰南康是三州喉舌應須治幹豈可以年少講學處之邪徵還爲安陸王護軍司馬轉中書郎掌詔誥

敕助國子祭酒何胤撰治禮儀永明末京邑人士盛爲文章談義皆湊竟陵王西邸繪爲後進領袖機悟多能時張融周顒並有言工融音旨緩韻顒辭致綺捷繪之言吐又頓挫有風氣時人爲之語曰劉繪貼宅別開一門言在二家之中也魚復侯子響誅後豫章王疑欲求葬之召繪言其事使爲表繪求紙筆須臾便成疑惟足八字云提攜鞠養俯見成人乃歎曰禍衡何以過此後北虜使來繪以辭辯救接虜使事畢當撰語辭繪謂人曰無論潤色未易但得我語亦難矣事兄悛恭謹與人語呼爲使君隆昌中悛坐罪將見誅繪伏闕請代兄死高宗輔政救解之引爲鎮軍長史轉黃門郎高宗爲驃騎以繪爲輔國將軍諮議領錄事典筆翰高宗卽位遷太子中庶子出爲寧朔將軍撫軍長史安陸王寶暉爲湘州以繪爲冠軍長史長沙內史行湘州事將軍如故寶暉妃悛女也寶暉愛其侍婢繪奪取具以啟聞寶暉以爲恨與繪不協遭母喪去官有至性持喪墓下三年食羶糲服闋爲寧朔將軍晉安王征北長史南東海太守行南徐州事繪雖豪俠常惡武事雅善博射未嘗跨馬兄悛之亡朝議贈平北將軍雍州刺史詔書已出繪請尙書令徐孝嗣改之及梁王義師起朝廷以繪爲持節督雍梁南北秦四州郢州之竟陵司州之隨郡諸軍事輔國將軍領寧蠻校尉雍州刺史固讓不就衆以朝廷昏亂爲之寒心繪終不受東昏改用張欣泰繪轉建安王車騎長史行府國事義師圍城南袁州刺史張稷總城內軍事與繪情款異常將謀廢立閉

語累夜東昏殞城內遺繪及國子博士范雲等送首詣梁王於石頭轉大司馬從事中郎中興二年卒年四十五繪撰能書人名自云善飛白言論之際頗好矜詡弟瑱字士溫好文章飲酒奢逸不吝財物聚陽毛惠達善畫馬瑱善畫婦人世並爲第一官至吏部郎先繪卒

史臣曰刑禮相望勸戒之道淺識言治莫辯後先故宰世之堤防御民之羈絆端簡爲政貴在畫一輕重屢易手足無從律令之本文約旨曠據典行罰各用情求舒慘之意旣殊寬猛之利亦異辭有出沒義生增損舊尹之事政非一途後主所是卽爲成用張弛代積稍至遷訛故刑開二門法有兩路刀筆之懸深舞弄之風起承喜怒之機隙挾千金之姦利剪韭復生寧失有罪抱木牢戶未必非冤下吏上司文簿從事辯聲察色莫用矜府申枉理讞急不在窮案法隨科幸無咎悔至於郡縣親民百務萌始以情矜過曾不待獄以律定罪無細非讐蓋由網密憲煩文理相背夫懲恥難窮盜賊長有欲求猛勝事在或然掃墓高門爲利孰達故永明定律多用優寬治物不患仁心見累於弘厚爲令貴在必行而惡其舛雜也贊曰袁狗厥戚猶子爲情稚珪夷達奏諫罷兵士章機悟立行砥名

南齊書卷四十八

南齊書卷四十八考證

袁詵傳懷其父集○父集南史作文集卽指其伯父顗之集也

南齊書卷四十八考證

南齊書卷四十九

梁

蕭

子

顯

撰

列傳第三十

王奐

從弟續

張沖

王奐字彥孫琅邪臨沂人也祖僧朗宋左光祿儀同父粹黃門郎奐出繼從祖中書令球故字彥孫解褐著作佐郎太子舍人安陸王冠軍主簿太子洗馬本州別駕中書郎桂陽王司空諮議黃門郎元徽元年爲晉熙王征虜長史江夏內史遷侍中領步兵校尉復出爲晉熙王鎮西長史加冠軍將軍江夏武昌太守徵祠部尚書轉掌吏部昇明初遷冠軍將軍丹陽尹初王曇父普曜爲沈攸之長史常慮攸之舉事不得還時奐爲吏部轉普曜爲內職曇深德之及曇仕世祖府奐從弟蘊反世祖謂曇曰王奐宋家外戚王蘊親同逆黨旣其羣從豈能無異意我欲具以啟聞曇叩頭曰王奐脩謹保無異志曇父母在都請以爲質世祖乃止出爲吳興太守秩中二千石將軍如故尋進號征虜將軍建元元年進號左將軍明年遷太常領鄱陽王師仍轉侍中祕書監領驍騎將軍又遷征虜將軍臨川王鎮西長史領南轡校尉南郡內史奐一歲三遷上表固讓南轡曰今天地初闢萬物載新荆轲來威巴濮不擾但使邊民樂業有司脩務本

府舊州日就殷阜臣昔遊西土較見盈虛兼日者戎燼之後瘼毀難復雖復緝以善政未及來蘇今復割撤大府制置偏校崇望不足以助強語實安能以相弊且資力既分職司增廣衆勞務倍文案滋煩非獨臣見其難竊以爲國計非允見許於是罷南蠻校尉官進號前將軍世祖卽位徵右僕射仍轉使持節監湘州軍事前將軍湘州刺史永明二年徙爲散騎常侍江州刺史初省江州軍府四年遷右僕射本州中正奐無學術以事幹見處遷尙書僕射中正如故校籍郎王植屬吏部郎孔琇之以校籍令史俞公喜求進署矯稱奐意植坐免官六年遷散騎常侍領軍將軍奐欲請車駕幸府上晚信佛法御膳不宰牲使王晏謂奐曰吾前去年爲斷殺事不復幸詣大臣已判無容欸爾也王儉卒上用奐爲尙書令以問王晏晏位遇已重與奐不能相推荅上曰柳世隆有重望恐不宜在奐後乃轉爲左僕射加給事中出爲使持節散騎常侍都督雍梁南北秦四州郢州之竟陵司州之隨郡軍事鎮北將軍雍州刺史上謂王晏曰奐於釋氏實自專至其在鎮或以此妨務卿相見言次及之勿道吾意也上以行北諸戍士卒多繼縷送袴褶三千具令奐分賦之十一年奐輒殺靈蠻長史劉興祖上大怒使御史中丞孔稚珪奏其事曰雍州刺史王奐啟錄小府長史劉興祖虛稱興祖扇動山蠻規生逆謀誑言誹謗言辭不遜敕使送興祖下都奐慮所欺欺妄於獄打殺興祖詐啟稱自經死至今體傷槌蒼黥事暴聞聽攝興祖門生劉倪到臺辨問列興

祖與吳共事不能相和自去年朱公恩領軍征蠻失利與祖啟聞以啟呈吳吳因此便相嫌恨若云與祖有罪便應事在民間恬然都無事迹至十年九月十八日吳使仗身三十人來稱敕錄與祖付獄安定郡蠻先在郡贓私與祖既知其取與卽牒啟吳不問與祖後執錄吳仍令蠻領仗身於獄守視與祖未死之前於獄以物畫漆梓子中出密報家道無罪令啟乞出都一辨萬死無恨又云吳駐興祖嚴禁信使欲作方便殺以除口舌又云吳意乃可吳第三息彪隨吳在州凡事是非皆干豫扇構密除與祖又云與祖家餉廩中下藥食兩口便覺回乞獄子食者皆大利與祖大叫道廩中有藥近獄之家無人不聞又云吳治著與祖日急判無濟理十一月二十一日吳使獄吏來報與祖家道與祖於獄自經死屍出家人共洗浴之見與祖頸下有傷肩胛烏黢陰下破碎實非與祖自經死家人及門義共見非是一人重攝檢雍州都留田文喜列與倪符同狀與祖在獄嘆苦望下既蒙降旨欣願始遂豈容於此方復自經敕以十九日至與祖以二十一日死推理檢迹灼然矯假尋敕使送下吳輒拒詔所謗諸條悉出吳意毀故丞相若陳顯達誹訕朝事莫此之深彪私隨父之鎮敢辭王法罪並合窮戮上遣中書舍人呂文顯直閣將軍曹道剛領齋仗五百人收吳敕鎮西司馬曹虎從江陵步道會襄陽吳子彪素凶剽吳不能制女壻殷淑懼禍謂吳曰曹呂今來既不見真敕恐爲奸變政宜錄取馳啟聞耳吳納之彪輒令率州內得千餘人開鎮

庫取仗配衣甲出南堂陳兵閉門拒守吳門生鄭羽叩頭啟吳乞出城迎臺使吳曰我不作賊欲告遣啟
自申政恐曹呂輩小人相陵藉故且閉門自守耳彪遂出與虎軍戰其黨范虎領二百人降臺軍彪敗走
歸土人起義攻州西門彪登門拒戰却之吳司馬黃瑤起寧鸞長史裴叔業於城內起兵攻吳吳聞兵入
還內禮佛未及起軍人遂斬之年五十九執彪及弟爽弼殷叡皆伏誅詔曰逆賊王吳險詖之性自少及
長外飾廉勤內懷凶慝貽戾鄉伍敗棄衣冠拔其文筆之用擢以顯任出牧樊阿政刑弛亂第三息彪矯
弄威權父子均勢故寧鸞長史劉興祖忠於奉國每事匡執吳忿其異己誣以訕謗肆怒囚錄然後奏聞
朕察吳愚詐詔送興祖還都乃懼姦謀發露潛加殺害欺罔既彰中使辯駁遂授兵登陣逆捍王命天威
電掃義夫威奮曾未浹辰罪人斯獲方隅克殄漢南肅清自非犯官兼豫同逆謀爲一時所驅逼者悉無
所問吳長子太子中庶子融融弟司徒從事中郎琛於都棄市餘孫皆原有殷叡字文子陳郡人晉太常
融七世孫也宋元嘉末祖元素坐染太初事誅叡遺腹亦當從戮外曾祖王僧朗啟孝武赦之得免叡解
文義有口才司徒褚淵甚重之謂之曰諸殷自荊州以來無出卿右者叡斂容荅曰殷族衰悴誠不如昔
若此有爲虛故不足降此旨爲實彌不可聞吳爲雍州啟叡爲府長史叡族父恒字昭度與叡同承融後
宋司空景仁孫也恒及父道矜並有古風以是見重於世其事非一恆宋泰始初爲度支尚書坐屬父疾